

## 踏春有诗意的短句子

1.  
燕子呢喃，景色乍长春昼。睹园林、万花如绣。海棠经雨胭脂透。柳展宫眉，翠拂行人首。向郊原踏青，恣歌携手。醉醺醺、尚寻芳酒。问牧童、遥指孤村道：“杏花深处，那里人家有。”——宋祁《锦缠道·燕子呢喃》
2.  
蘋叶软，杏花明，画船轻。双浴鸳鸯出绿汀，棹歌声。春水无风无浪，春天半雨半晴。红粉相随南浦晚，几含情。——和凝《春光好·蘋叶软》
3.  
孤山寺北贾亭西，水面初平云脚低。几处早莺争暖树，谁家新燕啄春泥。乱花渐欲迷人眼，浅草才能没马蹄。最爱湖东行不足，绿杨阴里白沙堤。——白居易《钱塘湖春行》
4.  
好风胧月清明夜，碧砌红轩刺史家。独绕回廊行复歇，遥听弦管暗看花。——白居易《清明夜》
5.  
清娥画扇中，春树郁金红。出犯繁花露，归穿弱柳风。马骄偏避幟，鸡骇乍开笼。柘弹何人发，黄鹂隔故宫。——温庭筠《清明日》
6.  
花开红树乱莺啼，草长平湖白鹭飞。风日晴和人意好，夕阳箫鼓几船归。——徐元杰《湖上》

7.  
南园春半踏青时，风和闻马嘶。青梅如豆柳如眉，日长蝴蝶飞。花露重，草烟低，人家帘幕垂。秋千慵困解罗衣，画堂双燕归。——欧阳修《阮郎归·南园春半踏青时》

8.  
山窗游玉女，涧户对琼峰。岩顶翔双凤，潭心倒九龙。酒中浮竹叶，杯上写芙蓉。故验家山赏，惟有风入松。——武则天《游九龙潭》

9.  
清明节，雨晴天，得意正当年。马骄泥软锦连乾，香袖半笼鞭。花色融，人竟赏，尽是绣鞍朱鞅。日斜无计更留连，归路草和烟。——薛昭蕴《喜迁莺·清明节》

10.  
小桃枝下试罗裳，蝶粉斗遗香。玉轮碾平芳草，半面恼红妆。风乍暖，日初长，袅垂杨。一双舞燕，万点飞花，满地斜阳。——陈子龙《诉衷情·春游》

11.  
调雨为酥，催冰做水，东君分付春还。何人便将轻暖，点破残寒。结伴踏青去好，平头鞋子小双鸾。烟郊外，望中秀色，如有无间。晴则个，阴则个，飏得天气，有许多般。须教镂花拨柳，争要先看。不道吴绫绣袜，香泥斜沁几行斑。东风巧，尽收翠绿，吹在眉山。——王观《庆清朝慢·踏青》

12.  
春日游，杏花吹满头。陌上谁家年少，足风流。妾拟将身嫁与，一生休。纵被无情弃，不能羞。——韦庄《思帝乡·春日游》

13.  
拆桐花烂漫，乍疏雨、洗清明。正艳杏烧林，缃桃绣野，芳景如屏。倾城。尽寻胜去，骤雕鞍绀幘出郊坰。风暖繁弦脆管，万家竞奏新声。盈盈。斗草踏青。人艳冶、递逢迎。向路傍往往，遗簪堕珥，珠翠纵横。

欢情。对佳丽地，信金罍罄竭玉山倾。拚却明朝永日，画堂一枕春醒。  
——柳永《木兰花慢·拆桐花烂漫》

14.

梨花风起正清明，游子寻春半出城。日暮笙歌收拾去，万株杨柳属流莺。  
。——吴惟信《苏堤清明即事》

15.

冷空淡碧，带翳柳轻云，护花深雾。艳晨易午。正笙箫竞渡，绮罗争路。  
。骤卷风埃，半掩长蛾翠妩。散红缕。渐红湿杏泥，愁燕无语。乘盖争  
避处。就解佩旗亭，故人相遇。恨春太妒。溅行裙更惜，凤钩尘污。酹  
入梅根，万点啼痕暗树。峭寒暮。更萧萧、陇头人去。——吴文英《扫  
花游·西湖寒食》

16.

暖日迟迟花袅袅。人将红粉争花好。花不能言惟解笑。金壶倒。花开未  
老人年少。车马九门来扰扰。行人莫羨长安道。丹禁漏声衢鼓报。催昏  
晓。长安城里人先老。——欧阳修《渔家傲·暖日迟迟花袅袅》

17.

闲情兼嘿语，携杖赴岩泉。草绿萦新带，榆青缀古钱。鱼床侵岸水，鸟  
路入山烟。还题平子赋，花树满春田。——王勃《春日还郊》

本文链接：<https://duanjuziku.com/duanjuzi/7copy1o4k9.html>